

集部

無濟堂文集卷八

詳校官檢討臣劉錫五

教臣常循覆勘

助

校對官中書臣田尹衡 總校官進士臣終 膽録 監生臣陳昌敬

琪

こうこ \...i 領が 照内堂之来 命本有善而無惡而氣動情 在天上大有君子以過 而知所省慕改梅以共 學士魏裔介撰

一銀定四庫全書 大者在觀風問俗使民遷善遠罪以追古治不知者以 |矣顧刑罰禁於已然之後而訓誨導於未然之先豈武 界以断善惡之幾而大人之持世也必重激揚之典以 移遂變轉離歧以相遠故君子之為學也必研理欲之 為刑名搏擊之職則失之遠矣况今天下之民奢侈而 健嚴酷者所能勝其任而愉快乎御史代天子省方其 不知儉也怕慢而不知恭也其視夫倫常日用之道泛 示善惡之應典章制度萬有不同其本指歸於此而已 表記 りょうす

山 |約之條以廣道鐸之徇斯無負於 |於春官民間之惡皆得而懲之具爰書以達於司寇聰 とこうえしこう 泛若萍梗之適相值於江湖也科律罔惕竒衷成風旨 心謂禁之以刑罰不若先之以訓誨爰刻是編以佐鄉 馬所至能不凛凛思勵 指操得為之權凡民間之善皆得而旌之列實狀以達 謂父兄之教不先子弟之率不謹者可不痛與今直 不知禮義教化以致殞身喪家不可勝數司馬相 無濟堂文集 者余欲以霹靂之手生慈恵之 如

今 澄清之化余且拭 聖天子道德齊禮之本意矣書曰爾惟風下民惟草 国 御 簡厥修亦簡其或不修進厥良以率其或不良師 四門以穆 垂恩儲祉益以功崇業廣需才 極之五年仁育義正溝海內外 山西鄉試銀序 日以供 罔有不認泰運 益急惟是 保

|多定匹母全書

流人次寥氣清無程跋涉旬有六日而抵晉陽伏念臣 、 こうここ こここ 者紫顯戮 點 淺固 陋幸得側身 扁禁謬冀稍竭踵頂而迁 球乖整 皇家詰 皇上曰俞哉乃嚴簡廷臣干旄四出山西之後則命給 彦是倚是毗值兹大比鄉國士歲宗伯進曰惟天佑我 一寸無補兹提衡重任倘賣續還珠則冬烘遺銷散賢 中臣裔介偕户部主事臣若廷往典試事於時天高 人蔚起蒲車之徵倍宜劫毙 氣齊堂之集 Ξ,

先聖之矩模右文教以醸治也昔漢髙不重儒行然陸賈奏新 皇清革命創制百度維新獨經藝取士由舊不變者蓋將崇 如舊額録文以獻臣宜熙言簡端臣竊惟 聖天子旁求大典於是進宣大御史臣朱鼎延提學食 儒 上即寬臣臣不能自為寬也臣滋懼已迨入聞宣楊 諭戒以軍精怵思必虚必公務期釐正文體網羅 臣孫故賢所校士三千六百有奇鎮聞三試之得為 以副

改定四車全書 |宜乎軍士慕嚮蜚英騰茂若晨風之鬱北林衆壑之歸 以行也則蹻褐甫釋蒼素易變或棄詩書為敝帚策髙 則家競隋珠人擅拱壁童子操脈比稷契而羞管晏若 江海也雖然國家遊士以文而課士以行如以文而已 皇上功成五載翹車三賁於嚴中求賢之彪古所不及 後董仲舒公孫弘等脫跡蓬蔂之間奮翼青雲之上獨 語則每篇稱善建元之間漢與已六十年表章六經然 Į. 無濟堂文集

之文 淫溢之辭 國運亦傾假天口於齊斯籍思說於周季碎公孫毛髮 其敗壞人才 坊間 政妨賢同弊相濟逮至今日餘風未珍則又有泛 而據要津何其前後之不俸也既自明季文體 縱在生浴養之論究其所以 帖括 雕蟲篆刻之字似是而非 在瀾莫極宜乎 以則受益累而 熟套逢題敷行而 卷八 臣 等懷蚊負之不勝也 經史傳註置若灰塵此 總非根源 鋪 張滿紙不過 以理要以 既靡 致 滥

とこの日 ここう 忠信别兹神阜與區其產士也必有異吾知山藏美玉 光照廊無地蘊神劍氣浮星漢行觀非常之彦應運而 其民愿其士恪瞿瞿職思之咏見於能經者良非誣也 若晉之士風其染於近習者猶勘蓋晉俗勤儉風樸茂 門幽熊之屏翰也南而上黨滿津控扼秦豫勢若建領 兹者登高遠眺覽冀并之形勝東則太行蜿蜒綿亘天 乃喟然嘆其盛曰十步之内必有茂草十室之邑必有 下之脊也西而黄河奔流浩蕩一息千里北則雲中鴈 氣濟堂文集

壁之在握或開露明豁若朗月之入懷要以紹闡先言 詩之 若乃元祐相業有旋乾轉坤之功河汾中說異特易刑 金片四月全書 千頃之波或炳炳麟麟如五都之市或簡練莊嚴如尺 駕意在斯乎既而以香誓神披閱聞隨或洋洋灑灑若 遷史隆於西漢維律工於盛唐此猶以藝林藻煥言 煜千億即霸晉諸才若比肩隨踵漢晉以降代有其人 **嗣脱矣夫地以傑靈運由哲啟無論** '統約界憶之難以更僕數矣芳蹋未遠景行而並 卷八 相軒鄰虞之佐雲 رالد

哉方今 帝 |彬乎質有其文者也臣則不勝擊節為盛世得人慶岩 則 とこうふ ノニ 無罪乎然臣不敢信多士今日之文必符他日之行亦 其詭製異態縟古繁詞按劐半麗拾瀋丐緒雖渺思至 敢疑多士他日之行盡終於今日之文也多士弱乎 綴平臺而采南皮植且刊裁不録劼毖若此其可幸 理本源洛敷陳時務則義承鼂賈可謂潤澤金石彬 道鴻鬯經制方新禮樂漸舉爾多士附門專精有日 魚濟堂之集

朝 |多定四库全書 浮空之雲然後履風波而不憤觸昼蛟而不驚若漏舟 宰方州元元寄命未操而割其傷實多顧可當試而 楫 且去彼此谷翔兹雲衢校書天禄之間珥筆文石之 腳隱於凡馬伯樂過之然後知其驗豫章襟於草 鄉與多士觀夫通海者乎其舟若蔽天之山其帆若 廷将籍其崇論宏議以展案措事也次則剖竹曳綬 則望洋而返耳多士其自為舟楫利涉之具也

械共襄治安之隆而臣亦得籍以人事君之義對楊我 要之循其先資自獻之言而勿欺以自立庶幾菁莪樸 |薄器識勿金玉其外敗絮其中勿顧正其名蕭父其質 乏 と・ ブルンニー 鮮終之戒也多士助乎哉勿採春華忘秋實勿工文藝 后之休命也已 匠顧之然後知其幹以 知人之明信生平於 壬辰急選大選齒錄序 無濟堂文集 日名教東躬多士必不甘蹈 日考生平迷目五色臣 即

受命於 多定匹库全書 天子而居其職與受命於 天子而居其職者也夫受命於 三至於以事業相胡贊以道德相勸勉者則亦問得 計之以官爵相後先者十之五以文章相磋磨者十之 朋友之序列於五倫而後世篤之者或寡然而年語 二未可謂無其人也同選之義亦得列於年者何是旨 則猶近於古也盖當取天下登賢書籍金閏者衛量

才俊麟集選而受命者得若干人余會試同年秦子象 君子非必素相謀面之人一旦聚首長安傾蓋若故同 **銀齒銀而問序於余余曰是諸君子之盛舉也乎夫諸** 州李子魚山巖齊與家兄竟甫皆在選內将約同人共 皇上親政以來選法悉復舊制士之赴選者掣籤則書 世 天子而為孝庶為進士其志同其道同而服官沒事 '於冊吏人不得上下其手蓋可謂至公矣四月届期 利物其義則更急是烏得不列於年也自

を己り しいう

無濟堂文集

宣祇牛刀小試棲鸞鳳於枳棘已哉諸君子勉旃其 考績奏最為國家柱礎棟梁之用立數百年太平之 聖主圖治維殷三途並用滿漢魚收諸君子者或奮跡 金月四月月 難易之不同然而濟世利物之心則同也是必其以事 曆朱級之寄雖其地有遠近民有淳悍事有繁簡時有 一韓而為從龍之彦或樹幟文死而登玉節之班行 相後先者也方今 相 **翊贊以道德相勸勉以文章相磋磨而不僅以官** 卷八 且

漢軍各直省公車士子入式者三百有八人錄其文優 賜宴於儀部乃入林開鎖院至期闢題三試之得滿 十有ハ人 上命臣裔介臣鼎孳臣清臣逢吉典厥武事率同考官 康熙九年歳在康戌春復當會試天下士時 こうしいう 者二十首進 有建豎以符余之言也則兹録為不朽矣 庚戌科會試録前序 灰衛女之長 洲

知人 |銀定匹库全書 優變至於糊名易書而暴嚴矣豈待士不古若哉風氣 書戴星出入衝文實非所長然既荷 舉業德業有志者不得歧視之為二而國家亦遂以收 遷流人心澆偽不得不以此防其偽而別其真也是 賓與之則所重在篤行也自两漢以策取士其後法 覧例宜遇言簡端臣等竊惟治天下必須得人故敷奏 以言明試以功自唐處而已然周禮以三物教萬民而 得士之報其典顧不重哉臣等入仕有年鞅掌簿 制

聖天子建中和之極備經緯之盛欲使天下前洗鄙 擯棄何則文章者隨天地氣運為消息者也故易曰富 之成章者無弗收録惟是僻謬險怪熟爛駒襲則多至 閱凡文之大指以合於聖賢遵乎傳註為主而立意布 有之謂大業日新之謂盛德今 局程詞敷藻則不拘乎一家或令或古或平或奇其言 矢慎之一心而已是以在闡之日焚香誓天日一堂公 簡命時日已近又不獲辭所以夙夜凛凛者惟此矢公 陋

处是四年在時

無濟堂文集

乎此臣 皇上側席夢下之意也雖然臣等取士以文矣若多士 士于文章之内而惟恐其心之力有未周以負 事君而已迨其後而志富贵者不復志於功名志功名 典較隆於昔而衝文者顧可以怠渝自安以樸邀充數 典非以為榮也據經濟之才非以為報也凡以一心 報國家者寧止于文已乎臣聞古之君子其膺徵辟 風發抒光目之氣故允禮臣請復三場舊制總幣之 等所以飲水憂惶而不敢不竭其心之力以求

多分巴人子里

為 副名終不如始以自失其懷來者往往而有文與心竟 學阿世寧為通達時務之儒勿為迂潤無用之學寧為 **並仕以至懸車孰非夙夜匪懈之時寧正言匡時勿曲** 見學問之職自齡向以至要荒孰非膏澤蒼生之地 一 行碼名于此當益兢兢也自宰輔以至即邑孰非表 者復因文以自考其心守其篤信之志不變生平之塞 者不復志於道德其始也學獎旦奭自命而完也實不 二事哉今多士既已通籍金閨則因文以自見其心 自

とこううしたう

無濟堂文集

者又一心也有負 言也是多士自盤其文也是多士執贄者一心而策名 為何論夫賈董姚宋韓范之衛乎不然是多士自違其 真心乃有真品有真徳乃有真業即學變旦爽人皆可 者奈之何文行不相顧而自甘于統盗虚聲也總之有 |端昔人有畏四知而不取暮夜之金者有畫之所為每 夜焚香告天者有先天下之憂而憂後天下之樂而樂 正直忠厚以養和平之福勿為儇薄佻巧以開刻薄之 卷八

多定四母全書

敬勿二勿三為上為德為下為民古名臣行已持身之 今古人才之興豈不在乎造就哉古之造士也厚令之 聖天子之休命也己 善物也以是而無愧賓與無慚敷奏則臣等天公失慎 聖天子作人之意臣等滋懼矣多士可不勉哉忠信誠 對揚 心可以與多士相終始而拜手稽首題言底可籍 恒郡觀風銀序

次足四草仁

煮濟堂文集

聖天子右文崇治屡廑釐的意益加厚矣然師儒之 |武率不一周即稱報最以故士氣情麻今 |設後乃專督學政使之總化一方然三年之内歲熏兩 風俗美人材出今之守令即成周遂大夫之制也董子 制初年師儒之外止命有司提調未當有提督憲臣之 選而又以讀法教尊之責屬之鄉遂大夫以故治化隆 造士也薄古者家有塾黨有岸鄉國皆有學重師儒之 都縣守令所以承流宣化不慎其選則無以得賢明 卷

が國 とこうにしこう 知諸生必益爭自濯磨以副作與至意行将登於鄉馬 以補學政之未逮人材何憂不與道德何憂不一乎吾 諸生而督課之拔其尤勸其怠讀觀風一卷文治亦既 宣調劑百廢俱與而尤加意作人勤勤培植日進郡邑 |夫盡所以教尊之青我郡守抑養蔡公處冲劇之地節 未盡如古郡縣有司或不以人材為念未盡如古遂大 ·親矣嗟乎今天下郡縣有司得盡如公者以司教導 班班玉筍為國家之楨幹也昔漢景帝時文翁為 無齊堂之具

余居里中時聞之父老言高邑冢宰趙忠毅公及余邑 意矣余故樂為之序 也諸生能學古通經德修業進斯無負於筋勵諄諄之 弟以為學官弟子為除更繇高者以補郡縣吏次為孝 一蜀郡守仁愛好教化修起學宫於成都市中招下縣子 前輩解元馮仲昌公皆當受學於郡為郡使君所知拔 弟力田由是大化流風至令不絕我公固恒山之文翁 胡司李觀風録序

|多定匹犀全書

乎以是三十二城長吏咸仰慈恵政簡刑清乃擇士之 無宽尤深惡酷吏母語人曰蒼鷹乳虎其聖世之罪人 父母斯民者啓迪振作亦豈朝夕之故哉浙鄞道南胡 行面滹沱吮咽神京宜其產材磊落英多無趣觀氣然 甲第建功名當世者指不勝屈也益其地左滄海右太 無害之名輒致身清華而公履仁蹈義聽斷明允犴狴 公為郡司李李秋官也受是職者率以搏擊為事得文 云及崇禎丁丑戊寅間郡之書院養士為尤盛迄今登

一次主四軍全書

魚濟堂文集

為天下士者固後先接跡也數十年來人才亦稍稍衰 父子焜燿史冊其餘首卿樂教崔騆孔韻達之倫可稱 戰國秦漢燕趙以豪俠著稱真定又為 源乎治世之音也雖然余當讀湛甘泉集而知二業 俗 為志於學者督課其業且告之以古人為學之意及世 一之說不敢薄視帖括為小道然亦因之有所感矣自 不異於古所云而彬彬碩儒如魏文貞祖孫李文饒 功利尚且之弊一時士習愈然丕變故文多足録風 卷 河朔雄郡宜 其 合

者比齊魯馬何武為楊州刺史行部必先即學官見諸 害讀漢書文翁為蜀郡守仁愛好教化蜀地學於京師 之化而以先賢為楷模則其效将見於他日其勿忘我 也傳曰君子學道則愛人小人學道則易使明刑獨教 敢矣乃公復起而振之其所教者文也其所以教者道 公孜孜訓迪之意馬 公其以經綸一世者先試之於一郡乎諸士沐公時雨 刻鳳集序

欠二日豆 二十百

H

無衛聖之集

括以為之式此其意與文翁何武豈有殊哉昔余常典 月 將 絃 由 金月四 生試其誦論問以得失然後入傳舍此儒吏與俗更所 湯宣城陷會精為親而仕奉檄清源余既當叙其水 少數課課必親臨執經問難刻燭操脈問又自作 馬用之達山和鼎實余廿年前好友也其作舉業彷 山房之文矣兹復讀刻鳳二集其於清源之士子也 歌雅化追一行作吏而簿書期會武斷嚴酷之是尚 分也夫士人讀書效法孔子莫不欲學道愛人追慕 山 全書 卷八 帖

者 壬子夏周子茗柯持和防課士録正於余曰此色库 之 選意其山水磊落人傑地靈屢進不匱必且後先鸞翔 .). 可 鳳為也而鼎實復為之陶育而訓誨之其人才蔚與顧 所樂開而亦凡為民收者所共於式也乃為之序 量與讀是集者不獨見清源儒業之盛而為之長吏 山右得清源士為最多如劉子昆玉皆彬彬大雅之 不忘詩書禮樂之意經術經世治蒸蒸進古是固余 南 禾口 課士録序 更新聖史長

髙 一 銀定四庫全書 然而習俗相沿久矣世莫以為非今韓先生獨能任其 朝 鞠為茂草奏倫堂歲不一登矣 謁見之跌密所躭躭者乘其構訟之隙而挟持以賄 先生所以課諸士之文也先生其賜以弁言余竊惟今 事不負訓迪之職無日不討南和之士子而課之 廣文留意課士者鮮矣所問者束脩之多寡所責者 廷設官之意豈其如是即士子德業自期豈其如是 下至於講習討論不顧也經史文藝弗斯也即學舍 卷注 , i 口士 為

造 之言曰造萬民不若造一士蓋加恵萬民固為美政而 朝廷命官之意而與士子以德業相成者也余聞古 心哉是允符 子性命在是學問在是功名在是余之職掌在是是何 可以善 陛詞林編修檢討得與衡文之任有以也令韓先生 一賢士大之為宰輔可以善天下次之為道府令長 ,怨懇課士而其課之文又皆秀發和美就於矩 一路一 一郡 一邑造士之功豈小補哉前代以廣

|欽定四庫全書 直非大雅淑躬禮樂範士者乎或曰先生課士士之自 止雨霽及暮山欲紫餘霞成綺時則與二三友生登高 余幼讀書柳莊別業遍愁在望熊耳諸峯映其西每風 而魁多士者必課中人也吾願諸子勉之矣 必速售之為得乎轉眼卯辰奮健翮而凌秋風入南宫 器多晚成君子固能為可知而不能必人之知之也何 課善已然茲科未有售者何也余曰良工不示人以朴大 中隨叔制藝序

不數舍申子見盟與余弟辨若定交已久而余於甲 舒嘯以為陶淵明孟襄陽之樂不能過也平干去余邑 息盟之跡豈可得哉自是而交觀仲並交隨叔皆森森 髙 五樹優龍为虎海内知名矣隨叔更精於制舉業子丑 聯捷极青紫如取諸寄一時畿南士子莫不羨其部年 識之盖以余有褒録幽忠一疏為太僕端愍公再 論見盟始至長安 而不知隨权之沉潛入道者其意念深矣隨叔舉 無尚堂文集 謁匪是則長安聲利之地欲竟 1

得之若輪扁之斷輪應心庖丁之解牛神遇其為舉業 其始為文若宋史之解衣凝精病獲之承蜩用志思而 業之傳得之鬼盟而又不與外事三年下惟深心理窟 也王唐歸胡之文也其為王唐歸胡之文也即其為漁 此 世兹又益以臨場諸作蓋全璧矣器識遠大觇其梗縣 照閩之理也豈與夫世飾銀黃繡掌脫爭娇鬭巧 稿為羔雁先資讀者勿以文字而易視之也 時者同日而語哉隨叔鄉薦後既梓其稿以問 取

|欽定匹庫全書

司馬論定而後官之則皆通經學古博物治聞敏於才 欲求天下之治安者在乎得賢欲得天下之賢人者在 儭 晕聚而咿唔誦習之不報勿乃近於迁乎非也此其 智而優於經濟者也又何必復立之以師長給之以原 朝廷之大典也夫士業已屈首受書升於樂正而辨 乎養之有素此教習庶吉士所以為 固有深意非恒情之所能測也蓋士子伏案揣摩所 宫定卷館課序 京野にしし 於

|後癸丑選入庶常鉛槧攻苦猶然為諸生時也每拈一 恭官子者器識文藝無優者已庚戌之役余忝居總裁 後必選天下英俊點碩之士教之養之既成而後授職 民之休戚官府之機務或未之詳也故每一科賜第之 |欽定匹庫全書 以第一人拔諸多士之中天下業已依光附景於式恐 習者經史耳舉業耳至於國家之典制應代之因革生 代之相才出其中一代之名臣亦往往出其中若定 聖義搞詞出人意表如瀛臺等賦則揚班之遺也

也 金馬王堂之署覽斯編者當不以內外而異視之也 一定卷他日功業所至且將東國之釣懋德順序而凡在 足耳余讀先輩翰林館課見其文藝之佳者器識必宏 等作俱枕籍騷雅則岑杜之蒼鬱也豈不珠縣壁合星 其後往往為公輔為名臣然若是之作者蓋亦鮮矣 明霞燦也乎以此而黻黼皇猷潤色太平取之素蓄而 性情諸説則程朱之粹也如屯田諸策則董賈之剴切 冊記諸作則燕許之高華也其古風排律五七言

史色日臣 白六

無濟堂文集

F

宣城並驅中原足以鼎時 僅以副卷入國雍嗟乎惜哉使其在嘉隆之代與會稽 未幾而孫山屬落坎壤失志卒不得博一第乙酉之役 年前余往來中丘與和子服實號稱莫逆讀其舉業以 今天下科名豈不以文章哉然文之可傳者往往不盡 金月四月至十 出於科名則亦傳其文章而已遇不遇不足問也二十 陷會稽湯宣城復見今日行當羽儀天下照耀人家 和鼎實窓藝序 一座即使易其霜雪之操學

問序於余讀之如風水連漪自然成文一字不可增減 文章有一 語以俟世之知文者 因作而嘆曰天下科名之外文之可傳而不盡傳 C. 11.1. 子者可勝道哉瑶璵琬琰竹箭南金世共寶之用弁數 為脂粉態亦豈不足以梯榮 作吏矣素心晨夕未當有報政務之服乃手録暴藝 趙問源大題文所序 一定之所乎哉左國不相駒襲班馬各有異同 民野むし見 時而和子不屑也今 如和和

一 銀定四埠全書 萬歷間陷石箭湯霍林諸公清微澹折亦猶晚唐 當 而 韓以在勁 理要位置章法識必踞其絕頂 者皆非絕超尺步以自 楢 川諸公浩瀚澎 以詩比擬論之成弘問王守溪錢鶴灘諸公謹嚴高 不出其宗也八股業亦然是道也粉於宋感於明益 初唐中魏玄成陳伯玉之流也嘉隆問瞿崑湖歸 柳以孤峭歐以雍容蘇以奔放古大家之為 湃猶盛唐中李青蓮王龍標之流 因於尺幅之中然至於 語必去其已陳則萬變 根 極

냭 とり

曾與余結社樣園共商千秋大業每讀史浩歌把 文房錢仲文之流也至天啓崇禎問而文之散也甚矣 對悲情流連不禁睡壺欲缺然至作舉子業則相與枯 至丙戌方得售瞠乎後矣顧余年來抱子州支父之病 作直與陳百史先生相頡頏同為天下所則做而余建 頹之波而息方張之餘乎友人趙子問源十五年前 則以其泛濫無歸而莫為之所也不有人馬其能挽 面壁拈鬚刻燭一以先正為宗故問源癸未大魁之 酒 相

欠己日東 A 上

無法堂文集

正復有問源之選鼓舞於下事半功倍吾知海內唱唱 而卒不能正盖下作而上不應也令 之季人心邪矣部上趙忠毅先生刻正心會稿以正之 傂 高問舉業經年不一過目問源乃于讀古之餘取有明 金月四月月日 ,代大家之文日閱數十百篇精選而細批之懸諸國 王在御 正始嘉恵後學未有婆心若斯之切者也曩者天故 一字不可移易且盡捐其力田之貲以付剞劂葢羽 司釣衛者方以人文化成天下俾之各歸於

三年 とこうう 欲得奇才異能之士以為 文章隨氣運為高下而氣運亦隨文章為轉移故國家 讀書究漁洛闊閩之學其學日富其道日進他年集成 朝廷楨幹柱石之用耳而主司之精神與士子之精神 余将發其名山之業以傳諸世寧止此區區帖括問哉 向風矣選成而標之曰文所有以也雖然問源近閉户 宫定卷窓藝序 一大比賓興之典甚隆且重馬非獨以其文也正 ノニュ 氣病堂之果 14.10

|動定四庫全書 名縣長安追闡墨傳布之後上自薦紳先生下及主賣 摩以巧中者矣而清真澹泊遠大自命之士反讓其綺 章亦具盖有記誦以為習纂組以為華剽竊以迎合協 珠也且士子下帷攻苦其學之所積不同而所著之篇 往往相需殷而相遇疎者燕石或致清玉魚目易以混 已酉北闡鄉薦前茅康戌會試榜發為第一人一日 **縟馬此文品之所以難識也官子宗衮擅名文壇久矣**)門操觚之彦莫不交口稱誦以為大雅復與於今日 而

首歎服古所謂紙貴洛陽價重鷄林者信非誣也乃彙 シーコール ノニラ 得韓歐之澹宕楊得左馬之典蒸變化而出不踰其矩 **曾留心于前輩元燈遠之王唐瞿薛近之許鄧陶吳旨** 籍鎮客冲和恬暢如琢磨之玉如煅鍊之金知其元氣 其窓藝問序於余余讀之其結構變化與開藝同而藴 渾淪養之有素矣昔余為諸生時與友人讀書西山亦 推服而尤遜心于北之梁公秋南之楊維斗以為梁 何其盛哉最可異者下第舉子亦其不屏息攝氣免 煎齊堂文果 140

|宋衮勉乎哉古人以少年髙科不幸又曰平生志不在 温飽夫志不在温飽則志在聖賢之學行名臣之勲業 理法脉備馬海内為帖括者由此鄧雕而為朴變減而 為韓歐一以為左馬不必拘拘模擬前輩而前輩之神 **衮之文理探其窟慧取其源瞻而有則簡而不浮一以** 法元機元脉元局此優孟之假叔数耳何足貴哉今宗 一誠元家之上乘也若必以空腔熟調浸近易入者為元 返淳是所謂轉移氣運之文也而豈徒科名之赫奕歟

一多定匹母全書

巻八三二1

以後人代聖賢之言揣摩影響難得立言之意神而明 之不變先王造就人材之意庶幾存什一於千百也然 B 士生三代以後鄉舉里選三物實興之法不行而薦舉 '存乎其人至論表策判亦皆經世要務非風雲月露 途往往破缺冒玉魚目混珠有虚名而鮮實效惟科 知也吾且拭目望之矣 舉業指南序 糊名易書橋公道之可見者故自宋元以來行 反者也之人

得 一致定四庫全書 陥 義也既纘述成帙以志弗忘而趙吳胡三先生言旨切 思從容涵養超凡近超高明斯為貴耳余家自元明以 者比然則舉業一途良非易易要在立志不羣好學深 要更為刑訂景成一冊冀以啟發重蒙為進修之資籍 來世有科第至司訓新齊公而學窺本原一發於大司 ,諸青箱之遺而篾棄舊聞弗克負荷非立身揚名之 公再發於侍御公至不肖復以舉業進身将歷省臺 淵集木日惕於懷因念告垂髫時所聞過庭之訓旨

超凡近而趨高明矣於先王造就人材之意不更大相 若僅以為希富貴博利達之資将所謂學業者且不能 賢立言之意而因以自考其用志之所存則思過半矣 業德業原非二事讀書稽古之士能即此以體合乎聖 云爾嗟乎世以舉業為敲門瓦門開則無復用烏知舉 フ・コ・ハン・・・ 懸絕也哉 自考文之制不行字學之源流迷而失其傳矣勿論書 干禄字書序 風南堂之集

郵定四庫全書 陋不文遊於古人之斐都也余游官京邱鞅掌簿書於 施之於徒隸耳非古文之初也衙且記謬若此何其鄙 程邈因蒙而變其勢言其簡便直捷無點畫俯仰但 斯 訛 字學殊覺情情適有江左顧生投顏魯公干禄字書 法潦草不善即點畫之問差錯種種任意增減以記 '於上古孔子及左丘明諸書用之小篆起於嬴秦李 .蒙師訓之子弟習之其似字而非字者多矣夫大蒙 胡 母敬改之其曲折規度良不易盡今所用隸書

寧止為干禄之資助已哉康熙丁未端午日 別點畫分晰俗正何其核也學者即字書而求魯公之 詩至杜子美字至頗魯公天下之能事畢矣令觀其辨 法端在厚重為後世字學之冠蘇長公曰文至司馬逐 册余覽而愛之蓋顏之字學本於大小篆而行之以已 考官制公孙卿寺代有異名惟御史仍周官之名而不 書擬諸形容則古人大小篆之遺法可以溯流窮源又 總憲瞿庵王先生壽序

勵 幸則乘輅車以為導朝會則率其屬以正百官之班序 不得入馬魏晉以來成稱御史臺其門北開泉風霜之 亞 漢為糾察之任御史大夫權至重前漢御史大夫號為 改周禮所載以掌贊書而授法令本侍從之職也至秦 **視秦漢加嚴矣宋以後大率因唐制而損益之**我 以察朝廷右以澄郡縣凡識決則與大司寇互平反行 所以糾 相凡丞相有缺則由御史大夫以入相非歷斯職者 彈不法震懾百察也唐制有左右御史臺左

|飲定四庫全書

卷八首以作

慎 持簡瞿恭王先生由宗伯以曆斯職中外舉手加額咸 快得人益先生以客勿侍從望重寅清其於天下之 糾察百寮澄清吏治為十三道之表率未易言勝任 2. 了えしこう 今上御極百度維新每登選大寮必詢謀愈同慎之 朝仍前代舊典寮屬之設無所更置其權與六卿並重 乃 余備員斯任益将八載兢兢蚤夜惟隕越是懼益以 紀生民之大利大害久已籌畫於智中確有成算 無衛女大集 Ē

遠矣 當不從也命先生教習戊己兩科庶常横經虎觀儀型 改沃相得極歡憶西先泛舟長楊校胤 世祖皇帝顧問羣英惟先生博洽天人叩無不應日侍 亦滥等其問獲分泰光仰承緒論固己知先生器識弘 明良喜起千古罕有侍坐赐食先生未嘗不在而余未 耳方先生以弱冠第南宫與父敬哉公後先玉署余時 天顏下霽古君臣得失以及諸臣家人父子無不詢

一多定四 库全書

卷八

視事值 逋 今上龍飛郊廟大婚諸大禮**釐足**典章光贊國是古夔 國士功莫鉅馬乃晉秩以大宗伯為史官長維時敬哉 公位大宗伯典三禮作述同堂秩宗濟美追敬哉公慕 疏高義年甫六表懸車而退先生以學士魚少宗伯 計天下之兵的節省饋運定議屯田歲省司農銀錢 何以加茲而余所心服者尤在於痛念生民之疾苦 百萬此所關在一代久安長治之計而非尋常條奏 1.4 /こう 無齊党之集 デル

多定匹母全世 疏而 言厥利溥哉昔賈誼通達國體奏事到切陸敬與才本 其學相同而其遇則過之從此功名遠大為房杜為姚 王佐開卷了然若先生之言中肯綮勒金石而光琬琰 朝廷乃特遣重臣與藩王面議碩畫經營屯田仁人之 平定山海乘塘伏莽之流咸稽首來王惟是兵食泛溢 功在一時者之可比也蓋國家自庚子辛丑以來四方 不敷出惟科敵朴民力告匱識者憂之自有先生此 庾 卷,

抓 變鬼神禍福皆不出乎識盈二者先生年方強仕望重 害讀孔子緊易之讓以為天道虧益人道好惡地道流 之月為先生四十覧揆之辰諸君子請余言以介壽余 巖廊之上正已悟物義形於色以之致於親而百歲期 則和衷以集益與物則樂易而近情入而奉親於廷則 下金厩符紅霧余又馬能測先生之所至耶令孟秋 蘇鞠臆獻浆酯爵姊承色笑若嬰兒孺子出而鵠立 j 熟名福履震樂當代而不於不伐持滿守柔在朝 · · · i 我断於之表

|強定匹庫全書 先皇帝與 頤以之致於國而卜年昌熾以之致於民而萬姓薰經 是望夫然後益使海内頌 也先生深得於緊謹之旨刑措不用比屋可封惟先生 彦将取余質直之言以為惇史也仁壽之效厥有本而 今上知人之明得社稷臣於惟幄之間而蘭臺玉署之 可徴矣若夫問陵頌禱之常詞不足以為華筵獻 獲鹿丁邑侯壽序 巻八きっちょうま

矣若其路當往來之衝皇華之馳驅如織東山之禁旅 此 大烈難犯之猛從容敷布則有水弱易為之譏嚴於惟 言吏治於今日蓋亦曼戛乎其難之矣奮發有為則疑 蹋 有司之所以難也且其所值之地與時又有不同者 簡僻之色車轍馬跡之所不至徵名期會之所不 做希少年 穀豊登為吏者坐而理之綽綽乎有餘裕 則有別內醫瘡之此詳於無字則有考成不及之憂 而又值旱魃為虐道黎嗷嗷供賦日煩呼将莫應 加

平以成一家之言故能以其性情之優柔敦厚者出而 唐始末皆有以究極百家之正變盛衰而取其温厚和 學尤長於詩蓋於三百篇中忠臣孝子勞人思婦之所 講求性命之旨而深入其堂與不屑屑筌蹄糟粕問其 得涉臨川李茂明之傳又常從黎左嚴熊雪堂諸先生 為長吏者豈不難哉獲應丁邑侯江右名家胄也讀書 為謳吟唱嘆者決治於性情沉酣於寤寐漢親以後三 治宜其視民之痛癢笑啼無不關切而若慈母之乳

|欽定四庫全書

去 從事訴牒何為乎為分曲直務和睦民成知息訟矣地 而 多伏茶借客探凡侯曰帶牛佩犢何為乎為嚴保甲靖 哺其亦子也先是鹿邑之民雀鼠好訟侯曰舍爾穩 **处已日本公** 奸宄民咸知不偷矣編審重務也里書上下其手任意 追 民無所費郵傅大政也夠束舊派里下價值短少侯 呼蠲其通欠民賴以甦至於持身儉約課士克勤 公給發未當以緣毫病民連歲不登亟請於上緩其 取侯親自校閱老者汰之壮者升馬期於不失舊額 無濟堂文集

者之 然獨守其至正如松栢之根本深固文理正直可以聳 客通鹿邑悉侯教受至深且知其人因以知其詩知其 降誕之期而因大廷尉雖伯寓書於余以文為請余家 盡馬於是鹿邑之士民思所以頌侯而未得其間會侯 月朔之古為民訓誨孝弟忠信之事尤諄諄不厭其詳 鱼写口 阿其所好也昔孔子曰仁者毒仁者何以毒哉盖仁 因以知其政而鹿邑諸君子沐浴膏澤歌咏勤苦必 後寫寡則紛華嗜好一不足以動其中而澹然泊

人とこれ

欠二日至 ここう 黃者由今思之侯實當之而無愧矣吾願與鹿邑之士 四章五章曰樂只君子退不眉壽又曰樂只君子退不 和賦性堅剛可以千錘百鍊而磁砍鉛刀莫能與之爭 而 也今候之然寡而心清心清而事簡以慈祥愷悌宅表 壑昂霄而風雨霜露不能為之蝕也如金玉之東德中 深且厚矣幽風之什曰為此春酒以介眉壽南山之 凡所設施皆為地方長久計為斯民性命圖為敦睦 俗丕變人心之謀而不僅為補偏救弊之術其用心 . 無濟堂之集

本朝定鼎以來生聚教養元氣難復凡往來冠盖每過 民之疲困亦十倍於他邑自非徳足以撫循而才足以 幹濟難以勝其任而愉快矣况自兵燹之後城郭凋殘 東連大陸之澤南扼九省之衝事之繁劇十倍於他色 一多 戶四母全書 盧含瓦礫即 樂小色亦嚴色也其地此為恒山之屏西通晉陽之道 民廢詩以為侯之康爵勸馬 欒城趙邑侯壽序 表 八

翁趙老父母來自蜀川愷悌為心樂易為懷其學以濟 此興嘆曰是循一鄉一聚已耳何名為縣也乃邑侯蔚 飭者不可以不整飭精神志氣應奮迅者不可以不奮 必節也如農夫之治田畔是蔗是穀粮秀必去也如良 **迅大之治天下一省小之治一郡一邑皆是物也以是** 人利物為本其治以簡易清靜為尚常語人曰天下本 無事庸人自擾之此古人名言也然而規模次第應整 下車以後休養其民如慈母之視弱子推濕就乾乳哺

火色四年 上

無清堂文集

134

之 衿者底而謀之曰城所以衛民也水災之後 堞雉半頹 醫春扁於尫贏之夫先以参蓍术苓大補其榮衛而飲 食起居節而慎之以徐候其平復也期年而樂大治侯 矣樓所以瞭望也缺則登陴者何以守邑有治沒二 始封也鐘鼓者民之耳目也魁星文昌者文之照臨 曰文廟者教之主也城隍者民之依也樂武者兹地 ľī 可任其領比乎衆則曰惟侯之令侯又進己之 可以稍為奮迅整的乎乃進邑之神於者庶而謀 紳

反己可臣 公司 之風他若喂養官馬平雜草豆徵收錢糧禁革火耗清 秋眼日黃童白叟咸耳提面命馬泉則蒸蒸然有禮誤 至言也王道本乎人情孝弟力田之外别無治行扶進 所溝洫也侯又進紳於者庶而訓之曰六諭庸言也實 波臣是皆邑之急務也衆則曰惟侯之令侯乃自捐助 以為之倡庶民子來計日而與然犂然民有所瞻式有 自北而南流於趙隄岸湮沒蓄洩不時沿河之田沒於 風化其好頑匪訓迪之何能為良於是註釋六論春

煎清食文集

<u>.</u>

得 馬侯之於民可謂備費苦心矣侯於五子夏秋間以 深悉之矣子之春單騎下鄉親行勘諭諄諄告以 名無實者比也若乃壞牆一事 撫臺拜盗之善行為民 察保甲防禦盜賊咸出於誠切而行之非若他人之有 多方四月至重 之盛心利至溥也其初行之用民之力不能無勞侯 匐而赴保陽籲呼祈留撫臺以民情之迫也檄令視事 告欲謝經歌之化優游林泉士民聞之若失所天制 己之意以是從容告竣並未有惟督之急鞭朴之 病 刑 不 則

之日乃侯截降之辰邑之士民踵余門而祈文以質余 華廳或至於殺人以求之雖取一時之榮終的後日之 然惟澹於功名者而後濃於愛養是以其治若斯之美 濟物才德無備而無愧於父母之稱者矣茲暮春修禊 悔 也今之急於進取者往往借百姓之身家以博一己之 如舊侯勉强調理久之乃出侯於功名視之澹然若此 待民皆驚心動魄涕泗霑願號呼以留之可謂仁 若侯之於地方盡其心力而無所惜其求去也東裝

段定四車全書 |

無濟堂文集

冶水洋洋沒水湯湯二川溶溶深樂之 此乎所稱 詢 日 往來數經此地見城郭學校人民廬舎皆迥然異於昔 器者其謂此乎余益以信侯之規模次第整筋得 可矣何但一色哉乃述士民之情而為詩以歌之 之衆口則其言若出一 之蕭條而風俗亦漸進於淳厚固己心識之矣既而 而精神志氣奮迅得其要也推此以治 D 碑在道者其謂此乎所謂監根錯節乃 轍古所稱與人之誦者其謂 疆侯來自西洵 郡 一省天 見 曰

火モコレント 置使設矣又其後而行中書省廉訪使談矣太守乃不 一堂歌彼泂酌餘饒生香豈弟君子譽處有慶 事得以直達之於上而丞相與御史大夫奉上意以行 聞之太守之權莫重於兩漢凡兵刑錢穀禮樂教化之 美且康其心聿恵其度則莊大田多稼築其圃場育之 '於郡國其制至簡便也迨其後而觀察防禦轉運制 之示以周行百廢俱舉榱桷翼張春酒眉壽齊於 廣平沈太守加級序 無清堂文集 14.4)

拱神京地多水災民號健訟非化民有道者為能勝其 納者各以其意之所便安以為治而百姓往往受其弊 以官重乎官以人重乎亦在乎為之者何如耳為治之 直達於太守蓋其層次愈多而其所以為治之具愈繁 得上其事於丞相御史大夫而丞相御史大夫亦無由 術不一有尚綜核者有事粉飾者有貴因循者有務結 天下之治所以不能進於古者此亦其一端也雖然人 廣平為畿輔名郡東通齊魯西連澤路南接楚豫北

金罗巴人名言

宏覽乎載籍遂樹幟於藝林金版玉匱之書海上名山 文三日日 ここう 鼎新急於極物筮仕唐山請蠲荒田千三百項優考內 趙瓌偉之儒成北面人宗結隣恐後運值 之秘莫不采其精英飽其腴雋於是吳越竒碩之彦蘇 陞含香畫省歷河南太守遷屯田副使清理學嚴除通 任而愉快乎維石翁沈老公祖淵角呈祥山庭異表每 公不事板援一意孤行因事註誤滴丞衢郡時方變 八十餘萬還南楚西江二郡鹽策於兩淮商民德之 無濟堂文集 产

直抵城下者令安瀾而由地中行矣卯辰兩夏天久不 盡 車 撫 一亂躬援甲胄登畔誓聚期滅此而後朝食郡以保全督 金月四月有書 矣郡志久廢文獻無徵公聘太史申隨叔昆仲網羅彙 雨公為民請命齊素步禱於是日甘雨隨車禾泰先先 其所欲言於是修築遙堤數千丈而漳澄二水 甘之 廷嘉之以廣平股肱郡也推令師帥又安蒸黎公下 上其功績 以來延接紳士者老詢所以與利除弊者俾人 卷八 人得

金或曰此羨餘也太守自取之不為過公曰生平 計悉心持籌九邑之賦完納已竣外察其無碍銀數千 聖天子不免旰食之憂司農日有仰屋之嘆公精於會 馬昨者時事多艱軍需維殷 **えこりえしこう** 子平賦役緝奸宄清刑獄凡有可愛養斯民者夙與夜 罔有缺遺其詞約其事該吏於斯者有所考稽學官 圯捐貲以為之倡而鳥革暈飛廟貌儼然其他訓士 勤勤懇懇無不竭其心力之所至而不憚勞瘁玄 無衛堂之張 いたと

之下顧可以無言以頌之乎乃因永年虚明府而問 此太守之魚以律己而寬以待屬吏也如此凡在所樣 臺於是奏聞於 見懸魚封鮮事心竊墓之今值國用告乏之時而敢以 有喜色而相告曰太守之愛民如此太守之禮紳士 制 自私耶籍其數以上之本道本道移會守巡又建之撫 部覆以急公好義疏請加 曰可於是九邑之令長及紳於軍民人等成欣欣然 級 如

多定四母全書

晨飲之年鳴鏑絕於砥路茂草鞠於園扉蓋其大指在 沙克四草 在野 是不仁者遠惟道斯行邑里不開夜吠之犬市屋不親 澹泊其持度也坦平其自守也高簡而其與物也温藹 ·時則已沐其河潤之澤令将三十年矣向也知而不薦 於余余之景仰於公也已非一日益自其作令夷山之 余且将以表 揚之况出於桑好之公乎盖公之居心也 已自慚獻納之臣今咫尺膏雨微二三明府之有言也 謂澤無不漸明無不察由近而及遠自己而及物以 無濟堂文集 四十

首選也兹 聖天子徵召海內賢太守賜以璽書補九卿之列公其 平若公者可謂魚之矣異日者 之迹豈與夫綜核粉飾因循結納者同日而語數昔文 清靜不擾而諸事釐舉使人含和飲醇而不見其紛更 鱼写下 特肯增秩其嚆矢之先聲矣雖然公非特所至稱最胸 翁興教化黃霸得人心龔遂息盜賊召杜勸耕稼尚清 有治譜也自其先人元鑑廣文公章服三稱單比擬於 长

とこりらしたう 徳出於中心之誠然而弗能已耳於是述其大略以為 徵名記足以盡公之美那即以見官紳士民之感戴麼 學友愛兄弟庭訓八子森森玉樹洪範五福庶其備 閩洛太翁王麟公官至日南太守循良懋績公遂於家 雨寰海蒼生不但一郡之人人沐其恩波而止也 公賀冀公之燕喜而進一 今以文學發為政事宜乎其治行之卓然不聲也加級 直省馬總督壽序 無齊党之集 ,鶴馬且願公早登三事以霖

·目之宫非禮樂征伐得綜於天官乎哉生者生之殺 天官非六腑之會喉舌乎哉天文上将次将亦得缺文 **喋喋文告間事耶益以導化液 岩贊燮仁厲和察壽國** 多好四月全書 亦殺之於以導化液嵩贊變仁屬和縣極之天地相 文昌為天帝喉舌之司喉舌之為司也記止宣教布令 府馬老公祖文武大略具天人資盱衡一切豁如也方 無算故內景有赤龍玉池天地相既之喻也六卿之總 畢能事馬豈直喋喋文告問事耶過者總督直省制 旣 右

上策 推 **昌足多云繼之** 龍興之盟府公之鞭拜熟最諸杰馬 其崛興遼海帷幄運籌燭炤千百里外推敵制勝若掌 とこりえ 天子将靖 天子念公时衡如水登之天官之堂其始千百更良格 妍慝亦如料敵時在掌上流品澄而銓政爾山公啟事 敝 制勝則亦如東銓時列掌上也而不掳掠不焚毀 ノニナラ 卧 榍 江右潢池沸波所在鑫起 而活點首復以公副大将軍削平之其 無濟堂文集 里二

郵定四月 而 神京南帶河洛左臨青齊殘亂之舊四戰之國也議者 晉大司馬中丞實董其任夫魏博古三輔雄鎮也北護 不妄殺一人猶有曹武忠之風至今江涯漢涘之問頌 公戾止四國屏息墨吏解緩首鼠去掌盜不敢迎風而 公之德弗忘語云絳灌無文隨陸無武乃若我公益所 畿輔鞭長不及則建督府門鎮之而軍天雄之軍我 文武古甫萬邦為憲者乎兹復以畿輔重地胶齊魯 腹兩河采言者議命大臣居中督之公則載自天曹 全書 老八

亦殺之於以尊化液為贊燮壽民國於喉舌之司亦既 如掌上椅級休哉公神明淵寫百美盡茹威蓄而不試惠 ' 歸然山岳也若以為不勝重及益之千斛而蝕水如 之後不動聲色渠魁既藏脅從勿問生者生之殺者 更益之千斛而蝕水如故其所受豈可量哉即 惊惊以不得奉上法為恐公坐而理之彰禪防點亦 鋪南故舉那者鱗鱗也工趨於肆士復於塾百職長 而不竭不見夫萬斛之舟乎鴻鱸鉅舶長職大世望 うに こう 包有智之人 如業

銀定匹庫全書 愉快矣哉公之爱士紳無算士紳之爱公亦無算也 他不可舜述於公懸於之辰姑撮其大略而敗之 酒堂文集卷八

欽定四庫全書

無濟堂文集卷九

詳校官檢討臣劉錫五

教臣常循覆勘

助

總校官進士臣終 校對官中書臣田尹衙 膽碌 監生臣陳昌於

琪

蹈實地者 j 新精學的學 自治 有 有知知能學 行情観で 於京海山東河 東河· 12.7 **神為能也昔朱陸之** 知先生於聖賢之學 意高置案頭今午歸寓 **士魏裔介撰** PE

乎知可去性可去乎佛氏之言有不可强同於儒者此 為害性而去之者識即知也知即性也識可去知可去 則 紛然尊德性道問學實非二事故晚而相合令茲晉卿 多識前言往行以畜其德聖學重在點識未有以識 論欲復元明先須去識據佛氏之論識與明為二儒 謂也君臣父子兄弟夫婦中庸謂天下之達道又云 眀 性之謂道謂此為道之入門則何處更有道之堂室 與識非有二也論語云黙而識之多見而識之易

一 銀定四棒全書

實非也孟子論性以為仁之端義之端禮之端智之端 去之時性亦終無可離之理戒慎恐懼之中即有無聲 |以無言性者皆以性為糠秕者也謂人性不容一物似 穀種生出來方是穀若裏邊原無彼糠粕豈能生乎凡 謂裏邊有他然後發生出來譬若稻種生出來方是稻 乎好念頭著不得不好念頭著不得此語論性似是而 無臭之體此所謂腳踏實地寡欲養心復性聖賢相傳 近於未發之說而不知從天命以求之耳蓋物終無可 こ・ うえしこう 無濟堂文集

解 之要也若以無為宗以解脱為了當未有不流於放逸 於語言文字哉夫道之愦愦也久矣自隆萬以來學者 入於荆榛者其拘滯糾纏牢不可解安得見天然樂趣 脱皆佛門妙義以之誘進凡俗不啻熱闹場中灑以清 間也令夏兵部韓聖秋以論學的旨求僕然証其見 問是千古聖凡異同分界處不可不察也夫去識解 謂大儒多中此病其差在以佛附儒而不辨於毫釐 已到精微但微有牽合處余盡為去之正謂此毫釐

多定四月全書

書而請正馬惟不惜鞭策而教之則幸矣 卿 溪先生而大明何當不解脫而非佛氏之解脱也先生 こうし こう 余既喜先生之論足以破愚祛惑故以平日之所學者 脚踏實地認性善為初體可謂知之明而守之篤矣晉 心甘露然以論聖人之學則有問矣孔孟之學至周流 溷於佛者之言然一反求馬易易耳夫道之情慣久矣 固有志於道者也特其所入未免有隆萬以來儒而 與白方玉書 無病堂文集

當以此道告顏子矣曰非禮勿視非禮勿聽非禮勿言 昔人 多定四年全書 非禮勿動顏子不遠復故夫子稱之曰其心三月不違 接於吾前而吾良背者未當渝馬故曰不見昔者夫子 獲者不有其身行其庭不見其人者行亦止也雖人日 身行其庭不見其人艮背者止而不動之義非不動 仁三月言其久也非謂三月之後而違之也故易曰時 一身之耳目手足動而不隨之俱動也故不獲其身不 人謂讀一藏經不如看一艮卦易曰艮其背不獲其 N. **卷** 也

是謂擇善是謂固執形著動變以底於化則謂之至誠 於中庸首章戒慎恐懼是其喫緊為人處夫戒慎恐懼 然不動感而遂通天下之故者此也聖賢傳心之法盡 陽不測矣孟子之學雖曰養氣其要實在持志其示人 道至於至誠而神矣故曰如神又曰思神之德誠之不 止則止時行則行動静不失其時其道光明古聖賢寂 曰求放心曰寡欲皆性命之宗旨也故曰塞乎天地之 可揜誠與鬼神豈有二哉為道而至於至誠則固己陰

20.10 to 1.10

魚濟堂文集

其後行為祈福消災之說者不過其徒附會有所為而 婦昆弟朋友以從事於空虚寂滅其學只是畏死自為 泛荒忽問有賢智之士念及身心者往往叛而歸佛以 間彼豈為欺人之語哉自孟子既沒聖人精微之學湮 為佛氏明心見性無出其右者夫佛氏棄君臣父子夫 其誣矣積善有餘慶積惡有餘殃鬼神吉山之常聖人 身而已初非為天下也施之天下亦一朝不可行也 之以炫惑世俗之民而已此又稍有智識者所共知

金片四

月生書

卷九

言之欲人恐懼修省孜孜為善令不慎於平日而欲徒 とこうえしこう 而 末世之民不肯盡力遷善遠罪之事日奔走祈福於佛 祈禳之虚文轉禍為福豈不謬誣之甚哉余深悲夫 儒 無外竊其似而亂其真者也余故因論佛書而辨及 治身緒餘以治天下舍是不務而務佛彼佛者有內 聖賢所學者性命之學所道者性命之道也精者既 冠儒服者又瞀瞀而趨之依傍禪宗自命大儒不 報齊堂文集 ₽.

将登壇則 靡麗而悦此猶然怨心未盡耳若能刻刻制伏念念制 成其為顏子矣子夏則入見夫子之道而悅出見 不違仁無然也三月言其久也若三月後便違仁亦不 多定四母全書 也若學至於無然則聖矣昔聖門若顏子三月不違 久久純熟豈不竟似顏子但聖人以禮為主譬如大 教制終非難無然為難正謂終不能無故制之為難 再與魏環溪論學書 軍震問無敢詳 卷九 亂學者鮮能認得此禮守 紛華

とこりらしにす 為聖人必須如此用力不然目前聲色嗜欲人情物態 定此禮故制之而復起如風中掃葉掃去還來然欲學 而行道可以飯糗站草可以於衣鼓琴而於本性無加 以為直捷了當之法在彼法中亦自有受用處而聖人 能守宋非李光弼馬能守河陽耶大約近世學者知自 '學廣大精微有一大主宰故可以窮而著書可以達 日不來窺何因緣如賊兵十萬百道攻城非墨程豈 知養心而恐物有以誘之則學佛氏一切舉而空之 無濟堂文集

者哉 多定四母全書 毫末此謂之無然而非初學制欲所敢望其藩籬也禮 生手書慇慇相愛之切且為約言錄序文僕何以得 如依依在左右也僕馳驅十有五載睽違祖宗墳墓昨 屢荷雅教相期千古聲氣之孚不約而同雖未瞻道範 者請告得以暫返丘園塗出保陽晤同年魏蓮陸見先 即性也夫聖人之治 寄孫徴君鍾元書 一身與治天下也豈有外於禮

惠於異端耳而古聖賢源流一卷之大旨猶未聞發也 無不善明此善者可以淑躬可以治世君道以此行師 物之說亦並附馬良以此二字數百年以來幾如聚訟 道 之其大意明道之出于天惟天降夷下民厥有恒性性 數年來乃成聖學知統録一書蓋于公務冗迫之餘為 于先生哉然此作于甲午之歲其中含蘊淺薄惟能不 詳考深究歷述諸家之說而折衷之欲以永斷異說 以此立無二理也見知聞知知此而已矣而致知格 京都なとした

一致定匹庫全書 子蓮陸喬梓任重道遠之器進求之未可量也惟徵君 義数百年來真文獻之邦與起而教育之豈不在此時 蘇門雖係勝地但不知向得力有人否如貴府理學節 剖晰微言直証中道為湖之會聞者流涕殆不足道也 君倘息然北顧或平干或南和或槐水之上數日下榻 指示之乃見知已之大雅也又僕在里中當有百日徵 陸處請正斯書果可以合于聖經賢傅否若有紙終望 之紛紛也先生高品大賢國英人瑞自任非小令由蓮 **M** 卷九八十二十

之說自非心心相印豈能直接絕學僕自垂髫讀書即 得猶不失為篤信之儒學姚江而不得者或流于無歸 聖學既遠濾洛關閩之後惟有龍門姚江學龍門而不 先生留意馬 とこりえ 優龍劣虎華嶽發于崑崙河漢統于星宿良有以也 **聞承卷先生紹述聖學得其要領然未睹成書望洋而**)前誦住刻益知理道淵源元凱濟濟珠連璧合不止 與姚敬存掌科書 1110 無濟堂文集

一份定四年全書 僕長跟有懷恨生也晚未及侍雪得睹遺書如瞻函屬 况庭訓維劼省憲後先明徳之後必有達人斯其徴矣 玉印之合親聆聖訓登堂入室夫豈問然焚香開卷 此 紫氣拱壁腳馬曾何足云尚當勉其駕鈍求躋涯岸 肅復以拜仁者之贈 之名義學習微旨便自回絕凡義性理扶奉賢之與 綱續獲麟之統彼買櫝還珠談天炙數者瞠乎後矣 復安慶郡丞程崑崙書 如

然聞足下才名久矣令春蔣修撰虎臣以大集見示每 為大家可傳無疑也方欲寄聲相詢以商千秋文字之 泛溢程朱理學入堂與而詩文有遜馬明季一代濂溪 向者在部之日辰入申出循例執簿未得效執鞭之誼 以法式于奔放之餘達以精采然非鏤金剪絲之比其 自當以馬班為宗韓歐為嗣二蘇筆舌妙天下而失之 正學弇州而外寥寥也豈不難哉大作于流行之中絜 披閱則賞心悦目竊以為古文之廢久矣三代而後

見己り見という

無濟堂文集

秘而彭子士報先至道台意續承手教虚懷態態下詢 金片四月子言 文也當以為詩以抒情貴得三百篇諷諭之意故子美 若以僕之著述足以稍繼古人之一二者僕非敢易言 望不時教示之 序記論傳碑銘數百首寄覽此後瑰瑋之作雋永之什 兩漢可師也而無取唐宋金粉之香艷訓詁之極钉不 可尊也而並喜香山文以抉理貴得六經經緯之意故 以言詩不足以言文已令先寄批作數種不日再抄

讀老先生考亭晚年定論辯不勝嘆服考亭之學雖不 及顏曽而實游夏之比肩自無善無惡之說起頹波流 與孫北海先生書

微開發聾瞶豈但為改亭之功臣已也仍乞數本以嘉 **垠遂全入於葱嶺今老先生讀書窮理致廣大而盡精** 恵後學至於論孟或問聞而未見以大中較之料亦無

使定四車全書

典由陽劉父母有意改正而時方大計或未暇及待之

無滿堂文集

多若刻布流傳功亦不在子與氏下望之望之北岳祀

足下高懷不羈真氣迎人每向長安物色不敢再屈 |素心是夕良晤在懷忽而邁征咏采葛之章為之三歎 |發録完之日即繳上也秋氣漸深想起居健快仁者之 家正法情陳百史未能盡知之也其序尹師魯文極住 壽又何言神仙乎 明春可乎山中無事閱金豈凡文集信今代宗工得八 但生平未見尹集欲向老先生乞其寫本抄之幸為慨 復紀伯子書 表 ī.

文と日本という |廬數十間在泜水之北其中亦稍有亭臺沼榭明歲春 志劣毫無補益方寸地近愈成灰先人遺薄田數項尾 少多病長寡學雖欲策其為鈍勉監功業於時而才疎 雲滿貯古囊不止此行堪白髮終日厭青山之句也僕 **尹鐸保障越石清嘯俯仰古令得無有動于中乎恐煙** 指也所教井照獲鹿以及晉陽之險盖弟告於役之所 矣古矣若乃吊准除左車之舊蹟攬唐宗宋祖之遺伐 歷矣其山嵯峨其水激荡較之吳越雖稍粗放然而奇! 無濟堂文集

老氏襟之申韓壞之佛氏亂之故知性者 樂于就正前書殷殷質之高明良以此也性有體有 則足下實足以相後先也 嗜痂之好乃比之於昌黎僕誠處死矣若乃東野之達 聖 金石中尼白量 杪便乞恩 生若不學道實為虚度而異學往往簧鼓是以君 明躬耕隴上且以求盡昔日所聞於大君子者足 與白涵三書 卷九 鮮矣薛文 八清 子 用

脉 山右有魏環極頗號同志吾鄉 明代之紫陽也醇然 涇陽者也然于陽明此處未敢公然勘破僕素推專孟 先生以為 未免遺誤後學顧涇陽先生辨之詳矣孫鍾元亦心服 故其說與涇陽同而欲以性善補陽明良知之缺 而晚年為王龍谿所誤以無善無惡之說筆之于書 7 ... 固不多屈 何如那今世尚此者甚少都門惟有孫北海 也 因漁懷颠爾 出於正陽明良知亦是聖學正 良野なじ長 刺刺未審是否 則先生與中息盟周若 耳

銀定四庫全書 在易于沾染且任重勞心何若閒曹冷局以江山烟雲 怡 吾鄉自宋廣平魏鄭公後惟有此老李贊皇諸人皆遠 花鳥為供養哉前所云趙忠毅公文集比誠希世之珍 不宜做即有激之說然在今日正自有深味也勢之所 居之嘆賴有康侯差不寂寞耳足下真氣迎人恬退自 都 雖 門得朝夕晤對以談素心自台駕行後便有離羣索 與終子虚水部書 不得銓曹而桑梓雅堂莫不歸之昔人以四衙 中才和 門

有知豈不感於冥漠惟是集中所載尚有十中之一 行其志天下何至遽壞今足下慨然欲重新其事趙公 必道理純至若忠毅公者可謂魚之矣當明之季使得 與見之此則有煩于高明商酌者也 問 應去者又有間居擇言及史韻一書通忠毅公一生學 不及也夫長于忠節者未必文章爾雅文章爾雅者未 切至守先待後之大關鍵處而刊落不入則後世誰

中不可令忌者見之以來其謠诼也讀禮之服仍取經 頗有憤懣語在今先公未必有此意友朋相念為此無 喪赴吊遲遲今矣絮耑奠舎弟並匐匍以往其祭章文 為真也為位而哭夢魂如有所失者彌月復值亡荆之 攝平善以遂西征不意溘然令人五内崩推始得信于 生平良友乃令先公與蔚州魏環極清化抱疾好望調 可奈何之詞靈爽不冺閩之稍為破頹耳並冀藏之笥 **浑水再得信于殷伯巖復得計音于吾子而後敢以**

|欽定四庫全書

盡 **楢能遂作古人山川俱為削色誠如尊札所云堪恨世** 哉貴昆王篤友朋之義者無俟余言之畢若伯巖相隨 亦何負于古人顧椽筆作傳以垂示方來耳溯洄詩 不知泣下之何從也雖然失職而志不平豈盡天之為 人憐才者少泛泛而置之令後世有心讀其遺詩及文 "温胃以繼令緒則鳳毛蔚起家聲不隆臨顯垂涕 與中息盟兄弟書

文色印色公与

無濟堂文集

十四

金分四人子言 盡春回新禧佇企 也開張命士已有風症鄭子勉能與貴民王請求道業 為海内大賢所恥足下勿以熙眼觀醉人而金玉其音 僕雖居勢權之地未嘗不日加猛省誠恐墮落坑窠中 之今天下飲食之人甚衆若長安尤為聲利角逐之藪 用讀書詳慎疏章之道果不棄獨言其進未可量也寒 部奉覧學道之念何刻可忘山中如有所得希信示 日當為後進領袖爾元著青年美質承推己告以儉

與曹厚卷先生書

弟之瞽說将付剞劂識見淺陋且滾滾馬頭塵匆匆駒

陶元亮何等人品猶云總角開道白首無成弟於此敢 蟲者故不欲舎之庶幾從此鞭策十年內可望有立然 隊影豈能如古人之精思入裏耶但差勝於作無用雕

實多俗氣未退益生平勉力只此不欺二字惟冀賜以 於弟大有契合深加獎借雖曰樂與人為善然弟自搞 妄言哉以老先生之高明傳篤直接河津姚江之傳而

無濟堂文集

金月四月全書 于文章尚未能忘情近有廢明陳子頌嘉曹子至京郎 僕通來随行逐隊無所建監於時無足為先生道者顧 加 女 弁言助其不選不祇借玄晏名言妄希紙貴也 歲錢子大士至得先生起居為慰又知與侍御為兒 調攝用道家修養之法便可壽蹄期頤矣望之望之 姻親當此晚景蘭霧依依膝下亦人生之一樂也再 知其所學皆已成立而古文辭卓榮不羣追美古 與吳梅郎書

成豈不為文風之盛事乎又元明以來亦有數十百家 論千古著為定評誠千載一時也昔蕭統著文選於梁 |椎之遠追昭明近紹天如若僕才力淺薄復為公務鞅 三名家至今稱藝苑鼓吹乃自唐宋以來諸家著作漸以 零落散失今既有三吳两越諸子網羅分校先生綜其 季後代詞人奉為枕中鴻實張先生天如所批漢魏百 · . . . 無難先生靈光歸峙東南領袖若與之左提右挈尚 文尚無定論参伍進退似亦在此時也惟留意而商 無濟堂文集

銀定匹母全書 之風况有叠嶂長河烟雲供養苦管寧邴原時常避地 曩者東行竟未及握手相送殊為處歉雲樹之思方與 以奉軒張不足觀也 掌精神漸以耗数粗有撰述皆未成集案頭偶有二種 日積棒讀手教能無恨然尚陽堡人食其力固有太古 令長安如張坤安等者非不位極八座而溘然長逝若 遼左顧足下上友古人則去國懷鄉之思自可澹然矣 與李龍家掌科書

とこうらん こよう 人耳心緒煩冗不能為詩以寄遠人軟行其鄙陋之見 朝廷自有恩典昌黎復入子瞻北歸當令長安再見完 死無憾矣胸中既已灑落亦豈有遂死之理乎待一二年後 於曠遠之地而能存心養性求其道之在我者朝聞夕 平學問功業儘自輝煌絢爛其開發良知有功後學但 來教褒獎過深自慚樗朽豈如所云所諭王文成公生 亦夙昔所竊聞於先正也 答孫徴君鍾元書 氣濟堂文集 1

録 多好四人生意 者尊之不合者置之豈容有心向背於其間哉僕知統 所屬性學甚大故不容忽視也吾輩以孔孟為律令合 於昨歲之七月當語賀宣三曰心性一也謂無善無惡 龍谿之言未免遺誤後學此顧涇陽所以深闢之也僕 傳習録一書大段透露而無善無惡一語曲徇其徒王 惡者性之體是又一告子也尚論前輩固宜渾淳然此 者心之體亦可曰無善無惡者性之體乎若曰無善無 書尚有統異數十人已有頭緒因八月間忽忽歸

之令譽為桑梓之美談則晉武帝所云清慎勤三者其 老年翁親臺榮選嚴色足以發抒生平之所學繼先賢 端是所貴於吾輩生同此世之意也何如何如保陽初 持世運不得很減者又如明之諸儒向未有定論令亦 里未及每人作論如董廣川王仲淹韓昌黎等亦皆維 こううし ここう 日草復不盡 為之差次寬收之中而嚴析之不開後世議論之 與許典三書 無濟堂之集

言學人不可及也蓋不但升堂而已入聖人之室惜哉 情偽無不盡知之是以元吉无咎耳恃在知已故進易 之可乘則持身涉世無得其情與理之中蓋設誠力行 言不敢以四六套語也讀禮偶見其言禮人可及也其 要也而人情世變又在有以先覺而察之使之無間隊 隔碍耳余意欲分為上下二卷上卷言學下卷言禮尤 先儒多未能及此近代唯薛文清先生洞徹上下全無 防奸馭詐其道相為表裏每讀周易見聖人於小人

多定四母全書

老九

兹遣後鳴賀即作衣履不敢効世俗銀幣也惟添存之 前聞大喜即欲走件一叩縁勝老像贊未書故爾遅遲 候指 敝邑倘用之代勞筆札要其人資質忠信不相負也並 令觀者醒快也拙叙奉覽幸於削之胡子同升已歸 と. す! 朝斯夕斯况篡述家禮尤為要務王子敷五蘇子亮 回 示 札及喻春山寄字俱已到人生最患無友幸有諸 與劍都魏環溪書 1:1: 東齊堂之集 於

多定四样全書 足發揮其義然而大著精矣至矣自宜刊布公之海內 弟尚未能盡了若道在於仁則三十年來所服膺有不 工俱可泰山太守此面耳喻春山學博思深河洛律歷! 秋氣高凉伏望起居珍攝 也林下養疴最宜習静而遠近以文字徵索者接踵而 首請正外惟孫北老閱之幸指示一二庶知所磨勵也 至不能盡却器知用心或者賢於博爽乎命童子録十 而孚者矣向寄大學管窺久在案頭作序奉上恐不

無 |因宦途二十餘載盧舎田園大半荒蕪連歲收拾稍有 柏皆合抱詢其始之所由來則云冢宰公移之于鄴下 頭緒敞府如探春海棠樂枝柘榴之屬不缺而松則全 山西樂平至者俱不住真定舎親梁大金吾園其松

|每耳夏拳先生翔于千仞卓然高品自是千古人物不 承惠種種俱屬佳品所恨散邑城中土脉多劣為花之 也是知贵府花卉之盛甲于天下洛陽廣陵不足云耳

大三日下 ころう

無濟堂文集

÷

許 金月口人人工言 以著作見長而著作又無其美年來過承其推服以 實為之下拜知大孝仁人其盡心正無己也儒派聖學 修才髙夏峰品粹二者可以相當乎讀令先君年譜行 此議迴然從來無人發透顧誤天之明命正是尼父知 發脉也後儒言氣質之性竟與天命之性為二謂孔孟 湯以來維天降東下民厥有恒性言仁言誠俱從伊祖 天命根源人知夫子祖述克舜憲章文武不知自契與 相位置殊為過情若夏奉先生與靜修未易軒輕靜 悉儿 姚

とこううこここう 之時矣僕當思神禹治水導河自積石合九州以治河 復濟耶方今百萬生靈漕運往來所係誠非顧惜費用 若指掌但不知築新隄果易為工而董口舊道果不可 **黃河之勢至今日而沒沒可愛前讀大疏洞悉利弊較** 惜教我也 告子之餘唾更為可哂他日更欲詳著其說幸高明不 之言不是一樣未免開支離之端而無善無惡之說拾 與總河楊蘇石書 無濟堂之美

|大興水利凡陝西河南一切小河俱令水利道管以分 東南遺黎漕運數百萬糧艘為 元明舊制時時修築時時挑落刻刻眺望防守以保 以下入海之路分為支流如禹疏九河之意下策察照 涇渭洛汜之支流而黄河之水勢自減中策相視准安 准揚桃源正當下窪之處是以煙墩衝决故上策莫如 舊日限防年年街壞而雅州豫州之水建瓴而下直趨 而今於徐楊之間治之故難為力大小河身處處於淺 N.

則氣調氣調則身自安此養心之法即養身之法至於 将元氣全復即氣果虚弱漸 間 早為堵塞疏其下流分而入海一刻難緩此為國家生 民計非為有司功名計想高明超出尋常萬萬也 神京咽喉飲食計不然此事未知所底止也聞龍寫 去桃源止二三里有滔天懷襄之勢惟望妙算遠慮 賢弟於前月二十九日抵舍甚用為慰一意静養務 與辯若弟書 加調攝不難大壮也心清

知 脚 讀書稍是末義愚兄近日深悟向來之悠悠忽忽不曽 欽定四庫全書 弟兒女笑語雅雅 **孱去一切返觀自家澄然不浑處何病不消暇則與兄** 先賢之道大有發明今寄賢弟以供靜中究玩再将周 若 趨向不至堕落也曹厚養令之大賢所者居學録於 與四書向身心體貼其他書可且置之耳明窓暖室 踏實地從程朱留心一番因兒女出痘暫止進垣閉 約言録一書雖無過人之論亦欲示之子好伊 勿自 卷光灣文集 取煩惱也 稍

支窮於亥生於子吾家先瑩亥龍也水為文心豈有不 又與辯若弟書

慎 生 自 發之理但恐人事不足以副之耳門户已有衰弱之象 而精神生福禄生天理死而精神死福禄死聖人復 恐懼将四書本子放在頭上如師保父母一般天理 非修徳力學不足以濟之人生要一 一風天理刻刻戒

上機括但恐迷復再剝而心君不能作主則病根終

不易吾言也昨得賢弟手復有悟悔之機即此便是

景亦非大安樂法也惟有定静艮止懲忿室愁盡之矣 數每夜自己返照大約一年不如一年坐功雖有小光 義是行已大規模清靜是晚年真受用再以良藥濟之 |我花種柳自然有清明氣象凡望見粉黛即作枯顱觀 難拔盡今幸春光明媚可将秀才管地一段起一書舍 欽定四庫全書 雖不能上壽古稀可望也愚兄令歲亦覺元氣減了分 刀劍來斫我弓弩來射我觀一包濃血何足戀也禮 與 孔聖裔書 惠治堂文集 火心可戶上 同其性情又賜真種子一包從兹追山槐水之間莫非 嚴若同堂也可勝感謝至於喜高躁而忌 果與梧桐 覩 此聖林嘉樹海內指模某之求此非但為樹也亦庶幾 敢言九方奉之識而今族孫自是青雲偉器也永惠楷木 霽卷家學弘深克續箕裘樗朽偶於暗中摸索得之豈 止有年何日不東望瞻依思一親宮牆之為快乎詞林 恭惟老先生台臺洙泗淵源古今文獻某潛心篤志仰 '樹思林因林思聖而行聖教於一脉耳魯趙六百里 9 無濟堂文集 10

複 他年耳 及談性命之秘與往歲論心經雖解脱之法門循一 自庚寅以來飲仰儀型然仕途少暇馬頭塵駒階影未 **叟口傳秋冬之交尚容尚役往領若杖履登堂則俟之** 嘉蔭之所廣被流傳後世足為美談種植之法並求園 '枯說也昨捧指示謂獨宿二字神仙聞之莞笑鬼神 上虞山先生足下先生滇南之偉人也又有道人也 復處虞山書 一偏

金石甲人名言

とこりらいこう 矣滇考乃邇來之奇著大序無愧皇甫安定謝教不盡 梓完今齎以奉覧千里同心如對紫芝眉守於几席間 白日飛界不足信又謂自然之道靜則天地萬物生此 拙序如小巫見大巫矣 愛烏肯若是然弟數年來留心陰符有集註一書業已 妙著在陰符經世少有知之者先生乃吐露無餘非至 **聞之醬指大哉言乎古之聖人壽登期順皆從事于此** 與田髴淵書 無濟堂文集 7

禁補山左禹城冀棒檄來臨而竟不果固知鳳翔千仞 逋 直围尋常藩籬間也小兒自北旋讀尊礼知逃名而名 合無以逾也一別遂成參商辛亥賦歸得愜初願當見 昔者聚首燕邱揚推古今訂正風雅雖弇州于鱗之契 金月四月 生書 敷奏乎盛既稠渥殊非所宜無緣趙壁拜領為愧即今 随之此亦古人常有之事要之升沈顯晦總是浮雲林 但僑寫長安已久廣川天人之策洛陽治安之献 一魏野等彼於性分皆能真實得力自然內重外 輕耳 何

間也 一次已四年全等 一 另容刷印寄上要之性命微言正須面商不盡在文字 |片之儀即為元日辛盤之助近著二冊就正大方其餘 者久而察之為利而已是以終年犍户樂天知命即以 遠方之人多有然慕書問至于近者家家無人偶有來 僕讀書數十年以孔孟仁義之道救世不屑不潔之事 歲幸 其暮泰運復始葛衣凉冠狐表蒙茸 豈易得者 與張子長書 無濟堂文集 ま

功名自在其中一念之誠終身矢之昔平定張日葵僑 美才可以上達但窮磨之甚承教云云欲執弟子之禮 卒歲馬俟之沒世而已昨與令弟偶而談及公郎青年 彼其所學未知果出于聖賢與否而尚有古人之意所 居高色讀書十載寧昌張儀公為孫二如服心喪三年 亦未可草草必須齊心被志有立志為聖賢之意而 公郎之自審之可行則行不可則止也 答盛珍示書 人とここ 故飽當息影林泉置身物外抱遺經而嘆息式先指以 者則歸老年臺矣任子北上曽託致聲犬子粗知帖括 契闊久矣每讀大選理正氣醇識精議確未當不心馬 深且遠也置之案頭不逾十朋之錫乎僕年過六表世 未指圖與乃荷指示又念及樗朽惠以住選墨則闡傳 本朝因之收海內紳士之心而握選評之柄鼓吹休風 嚮往也昔有明以舉業致太平三百年 之精微詩則備騷雅之風致廣陵南征諸作用意尤

九三日臣 八六百

無濟堂之集

1

才何 爾熟隨行逐隊徒為識者所笑六年以來守知止 榜徨尊所聞矣未能行其所知此一刻不敢自安者也 研斷簡徒作老蠹魚木之災也因紙缺遂置高閣容他 如晉公乎能如希文乎能如温公乎若其不能也衝寒 至於國難未平民生多故寧不怵然於懷甘于獨善而 自反迁樸實非匡濟之才若冒昧出山能如武侯乎能 戒者一旦根很失據矣故被髮纓冠有其心而 如且守東岡之陂耶 拙刻數種即以請正向來鑽 無 知足 其

金戶四月至書

讀書養德全在此十年功夫如貴鄉之徐存齊申瑶泉 豈可欺哉今幸川蜀荡平黔滇不日來歸此又孔孟之 2. 77.2 ... 及于難然後知文之以禮樂正以化風氣之不純也賢 王荆石諸公其近之矣江陵分宜桂洲皆偏愎未化故 道可行管商退舍之時也木天一席世俗所謂清淡然 搶攘數載四盡三空不忠不孝之吳逆妄題神器天道 日奉上以希筆削 與孟翰林書 煎齊堂文集 元

一一一 母母母 事之暇弁言序之附驥名彰尚有望矣 索敢不奉上但未及装釘且紙俱粗惡不足觀耳倘 丘 望之生所著鑑語不過錯綜史材而志其要意在效法 契資才敏慧篤志學問相才相度涵毓詎可量乎望之 前平遥舍弟旋棒瑶札具悉相為之雅犬子歸里又道 及憶念慇慇且言将有信使辱臨乃於十一月之廿日 明國語文因其舊稍為論斷非有超然之見既蒙下 與劉公愚書

とううしこう 耳飛鳥遇目能不驚心而炎涼谿谷人情紛紛讀王右 容易不如安於樗拙之為得宜若夫隨時俯仰以取富 職事之外別無他務正好養修健翮以待極濟時艱耳 紛沓能無纓冠往救之思而才疎志沒肩鴻任鉅譚 弟之少也猶不如人今年整六旬漸有我態親時事之 果接顧訊獎譽過甚弟何足以當之人生斯世亦易度 腹意氣如雲生平般歷所在見稱今金馬優游度修 酌酒與君君自寬之詩為之三嘆老年翁台臺經綸 無齊蒙之集 Ē 何

多定匹库全書 者恐杞人之憂未得少寬也弟今六十 守盡可以支持目前而收復之局誰為鄧史羊枯其人 PP 今春元日晴和似有豐年之象但得麥與秋各五六分 台臺並不敢以欺天下之人也 贵則不待今日而久已不為之矣此不敢以欺老年翁 廟堂之上隨時調愛天人合 不至枵腹矣總在 與中凫盟書 巻九二二十 一固難以預定也東西據 一歲竟老矣心

最是學便有存養功夫雖不能免衰可以延之久遠矣 思猶綿綿不歇而脊背疼痛稍愈復作血氣衰耗每用 老年翁精力尚健及令著述傳之後世不為竇漢卿即 無物為補之法終不濟事宋儒云不學便老而丧此言 憶昔追隨杖履快聆嘉謨朝有不諱之風人多敢言之 度實難也孫徵君誄文奉正 劉靜修耳拙選刻之無貲令或先完其目録適來用 j 復張掌科書 東新 對 七 集 Ē

敏定匹庫全書 思伊人生嘆顧以大馬之病檢方林下時親書史酷皆 章选奏高軒暫息於嚴阿每南望浦雲何害不采葛與 碌觀成慶連茹之景征是即大來之一會也追批鱗之 氣老都掌科質為正人之領袖而弟樗機散材亦得碌 布衣遂欲忘老承老掌科不忘舊交惠以好音勉以救 時弟雖不肖常奉教於君子矣親時事孔棘寧無嫠婦 烟霞每咏杜子美水深魚極樂林客鳥知歸之句蔬食 恤而自祸才弱非濟川利楫故欲自掩其醜寧託遠 数 i 九 i

必張皇而失其所以控馭之術哉陸敬與趙則平皆能 謀 社稷之本吏治乃綱紀之要安内而後可以攘外也養 兵休民而後可以大舉也理財 而 用人尤屬治體仍嚴冒濫之端君相之主宰與言路 ; :神鎮定而無所撓自然天心悦豫治平不遠矣何 禍亂而不棘手者也未知有可采擇否 鄙小草哉雖然知己之前尚有可狂瞽者民生為 與佟高崗撫臺書 雖 日急務必為久遠之

| 欽定匹庫全書 兩 以消窺何之萌前言寧敢諛耶至於弟以抱病守拙然 東西交江海内民生弗獲息肩禁旅久戍供億維艱此 廟堂旰食之秋臣子枕戈之日也老先生親臺坐鎮中 日實繁有徒而堅甲利兵足以逆我顏行自非元老名 '武所云矣竊以吳耿之勢如唐藩鎮之所為謀匪一 朝之恩寧忘嫠婦之恤而髮短心長老無能為如燭 尤為腹心重地網繆桑土不容刻級且壯猷素著足

易差耳 とこりらしいう 耿弇李愬何人也樗朽之夫輒復嗟嗟為知已一鳴其 瞻顧匪明賞勵罰一其權力何以鼓天下忠義之心哉 天成也相持将及一載饋運恐愈消乏幸令秋收成稍 将 退處林野日檢方書無親隴畝既非陸宣公之優游暇 稔故羣盜不起不然可憂大矣夫兵分則力弱将多則 出奇制勝未易奏膚功而暢 復李湘北翰林書 Ų 無濟堂之集 14.

慰其存及乃小役之旋棒讀瑶函蔚乎春容薰乎關郁 笑而已占晴較雨農園之事豈足以為大君子道哉芝 動丘四 望其藩者置之案頭令人撲去俗塵三斗矣魚賜名畫 韻生動格度髙古沈鬱頓挫直逼少陵非中晚以下可 蓬蒿滿徑恨不得薔薇露浴手以讀之也再諷大什氣 翁先生弘毅 瑰瑋忘身救世與某夙有同心仰託釣鼎 日亦無李贊皇之平泉花鳥僅如王右丞所云林叟談 極即進之願撫琴動操衆山皆響已冷冷然在天生 四全世 というし 謨 於薦別徵書騰於谷中雖大雅逸致不以此為榮而 驚嶺間矣何以為謝閱邸抄知榮轉侍從盖以老年翁 咏太平為幸多矣 台臺才優王佐學擅儒宗本經術以論思勞深歲閱矢 '急務湖尚友之雅懷悵然如何前閱邱抄見姓名登 别十載道阻且長山川間之無由促膝談心論於時 謀而弼亮望重台垣行且夢卜金甌霖雨海内走歌 復許子位書) . . . 成科聖之長 海

之材匠石之所弗顧况四時之序成功者退彼范睢蔡 一 通耳順齒豁頭童雖非薑桂之性老而彌辣實則樗標 客聖之稱制何難漢建武唐貞觀之遺軌乎若生者年 大力無愧古人倘得契丈出腹笥五經應 奠草黎於稱席足以彰吾道之有人矣白子仲調深心 總憲蔚州環極公奮然起而力爭之欲致其君如竟舜 一金丘匹棒全書 朝廷朝廷有求於隱士也方令貪冒成習民生凋敝獨 內間風與起裡益良多所謂隱士無求於

心也 とこうえしこう 尚能作書批刻二冊寄奉覽正即披表愫冀足下知吾 觀宇宙之表者乎山中無事日手一 澤戰國從橫士耳猶脫屣名利何况被服鄒魯之教曠 庚戌之後精白一心誓之神明頗為人所不快然文體 正人才之盛竊以為 朝未有踰是科者而老契丈之偉度博識将來必作 與宮宗家書 無齊堂之集 編如豆之目燈下 1

是不傳之秘訣耳老契文以為何如小兒赴京應試 之術亦知然慕而未得其傳近唯學息心省事一著似 絲綸之地任大青重非其人未易勝也至於服食養性 知止不殆之言覺夢魂俱愜豈復有東華道上之想哉 黑頭公尤於望見顏色即知之不待考之他年也昨歲 縣未今拜客故未得通候接閱邱報知散館大喜尚望 東門錢別深荷雅誼歸而從事參术積勞之驅休息漸 痊平疇遠風秋林紅葉莫非嘉况復味古人知足不辱

一多定四母全書

聚九:

急亦 技 生 蓋聞古之君子雖著書立説而必以救時行道為急如 こうこ 不怠人情反覆周 及時進修以膺寵眷臨楮無任拳拳 知曾已入覽否兹具論性書一部請正固非時務 緑野東山何敢望其毫末也經世編一 通年以來稍 根本之要也小兒粗有才具未知融鍊尚望 與黄菜園書 有發揮如擬程格言不過雕蟲篆刻之 防宜固也並有陳者聞二十八 京新にした 書有關經濟 ::1:1 放 日 誨

震大變 不論是 耗致貪婪關冗之輩飲食民之膏血惟以 聖心之不真而患奉工之不改耳即如三載點幽防 聖躬憂勞修省之詔極其痛切然不患 廟社震驚 不服馬敢吐舌即言亦無益此而上天安得不怒生竊 唐虞以來大典令自癸丑以後更道標而多端官職 ,非切反苦失主百姓怨惠無所控愬鄉納自 页 19 TO 44 加 耗為事 明

肖其餘户口錢糧套冊 之責者也未知獨義是否 非舉賢退不肖無以治天下非信賞必罰亦無以治 自陳自有睿鑒外其留者即以大計之是非定其是 亦 以為三品以上既令自陳而大計亦宜速舉才賢劾 原同休戚者也故敢告之知已以為臺諫皆有治天 下也生見古之大臣雖在草野條議國家大事蓋君臣 可以挽回天意之二三也而疏通亦在其中督撫除 切報罷以省攤派苦累天下 非

一 致定四庫全書 清拯救一時之因而新撫數人 少 窮谷中如周瀌溪程伊川者未必無人安得一 聖之家法尚不如是也論性書費二十年苦心不知果 著書立說只是一事然坐視民生之贴危而不能放先 可以畫 改色矣承教欲糾彈一二人得其事實生以為此不 經世編他日刷 復黄菜園書 一孔孟之言否雖紫契丈之褒許而海內 印另容寄上大計舉行足以激濁揚 卷九 (驅車就道草木亦覺為 訂正之 漈 山

皇上臨軒親策之人而並先之也進士為一行舉人為 先用于捐納者之本行耳奈何将歷科進士舉人 凡所論劾皆見於章奏有實據者契之欲養大臣之局 天下之財盡沒於火耗是 興選試而取之奔走道途而棄之夫捐納者之先用當 足為也昔生在掖垣後居憲席從未當攻發人之陰私 度正不必爭一二人之得失也方令人才最為緊要賓 行例監捐納丞薄捐納為一行教習為一行斯可矣

|官水旱之後盜賊竊發何以控禦宜以武舉充之如文 欽定四庫全書 之首領而無功果駁之人賄賂濫收剥削行伍以媚 庶銀錢多收之弊可革也武備者國之大事把總者兵 價徵收每季一報知府職司錢穀不時查核呈報撫院 法馬等子之式發與州縣其銀錢低昂多少之數照時 禁之之方有司火耗收糧書後又有使用雖有禁約 皇上之天下其財半入於有司也禁之而不得其所以 張亭長之壁即萬閣户書之室耳宜令各巡撫定天平 卷九堂文集 泛

者甚多姑舉思之所偶及者可分疏言之總一疏以陳 舉揀選之例庶冒濫革而營陳壮練也天下之事可言 之若其思所未及者尚不勝屈指數也至于糾彈則于 弟自歸林下以來實無出山之意而子老雖伯每有掐 心懸懸數月有惧正事也 以聞茍無其人自可正色以待之不必疑似冒奏反中 奏中察其破綻臣僚中見其奸邪方可據實奏白簡 與那雪海書 見野とした

|欽定匹庫全書 不忘青眼高歌之素于今世人情之外洞見性與天道 自足千古富貴之外別有道德相期者正不沒耳今若 超然遠覽視萬物其如脱也瑣瑣之論豈宜數溷清塵 抬舟子之思勉為應酬遂不覺多言矣以老年翁台臺 聖心嘉悅內陞在即亦須兢業以竣之遇此一關穩至 也聞邱抄見疏通鹽課 雖然弟非果于忘世者也閱歷三十年知學問之中 揮江漢秋陽之藴非台臺而誰哉升沈之問何足論

此樂惟子與氏耳弟近續下子夏集已竟或謂顏子沒 空也獨老年翁親臺巡視淮上溢額至六十餘萬足以 今天下之財不在國不在民亦不在鄉紳此今日之三 子之傳經皆聖學嫡傳也書成另當請正 抵一省之賦矣洵哉救時之奇才也其克當 而聖人之學亡弟獨以為顏子之治心曽子之敬身卜 八座也八座亦尋常事得以餘力越姚江客城而上之 與郝雪海書

耪 前已送健養觀之又不知彼以為何如也子雲太玄直可 |飲定四庫全書 庸部人之喋喋也弟著論性書未知是否必須質之高明 上意有以哉弟閱邱抄不勝於什始信經國遠歐非迂潤 愈壬 朽骨不容少恕吾郡趙忠毅天雄李于田魏懋忠 修明史千古大事賢人君子精光熠煜在列星中奸雄 者之可辨耳至於時務之要不可勝言想俱犀服數計無 文熈石司馬皆應得住傳而散邑有職方張公諱主 既作賦反騷彼謂雕蟲蒙刻仰屋恐類於此方今簽 老九四日日 弟所未舉者不及更僕此事希台臺與大司農難伯 名故往往健户潛修發潛德之幽光在于後輩君子也 封大學士樂吾公者真理學真品格自著養生弗佛 敬清正絕俗趙忠毅公題其墓為明之正人而先曾祖 生前之升沈顯晦也域中之大史居一馬正謂此耳 否果與陰用而陽避之如王龍谿等者同否北人不好 公討論之以佐太史公之采訪誰謂後世之名不急於 一繼響昌黎令以奉覽希詳察之果與耳食夫佛老同 無齊堂之集 四十一

郵定四庫全書 生本樸陋幼受先人庭訓粗涉經史遂有意于天下事 答友人書

遂 跡青山絕意世故如陳希夷之所為者老親不以為然 復馳驅功名之會言路憲席前後十有八年不敢喪 明季搶穰國事已壞區區一孝蔗無可為者遂欲遁

其所學唯以仁義王道為敷陳遭值

世 祖皇帝知人善任言聽計從亦人臣之奇遇也追居

冢宰端揆殊碌碌無奇然中問救正亦自不少正欲待

亂 傳人上天明明有意益世無學脉則人欲肆而天理滅 其事也至于學道一脉歷觀夫子以來先知先覺代有 とこりえしにう 朋 居 恐復受 今上之知遂乘機排檳然時事固難凑手大位本非易 親政之後徐為調劑不肯枉道以求合而不悦者衆 友請告歸林此亦自審其材分所宜非敢託于高尚 何敢竊位尸禄以塞賢路是以不謀于妻子不告于 况宰相尤關天下利害自古宰相得人則治失人 原衛堂文集 11 则

于與虚無寂滅標霸功利者為伍矣至于文章一道生 矣試觀六朝五代君臣父子之問何如士民生其時者 |新定匹库全書 短耗不能窮搜遠致敷演而已足下乃以能文屬之以 平然慕馬班韓歐此在聖門亦游夏之流亞也而心氣 盖亦有年其所著書未知有合于聖賢與否然要不至 好學稱之豈見其外而未究其內耶 何如也生不自祸于諸家之學探討思索辨而晰 答韓康海内兄書 卷九

野舉手加額則 官 骨 非 士乎舉人進士未是人間美事欲以建功立業於時 手後尚有許多緊要事應為者竟舜尚可為况舉人 志學須 盡言乃職分當然不然則生平所學何事但以為草 活事但不可如世俗急急學做時文須将本經 內至愛如吾兄者能有幾人別忽經年渴想如 北 無以為階梯願吾兄勉旃也賢郎能讀書是 (如孤軍 遇敵與他破死相殺一番方可得手得 不能不處汗耳吾兄詢及於學可謂 四 何 書 有 吉 則]

